



Vulamehlo Kusile Organization




AfriForum

Kuvuswa ezivusako!



IMILAYO YOKWENZA IMASKI YOBUSO (iphetheni ifakiwe)

IPHETHENI YEMASKI YOBUSO



ITJHILA

Umnqopho wemaski le kukhandela amathosana wamathe anengogwana yekhoronavayirasi ukobana arjhatjheke. Iye khona uyakghona ukuphefumula ngemaski. Mayelana nokwenza itjhila elingaphandle, ikotini yamambala (efana netjhila lerhembhe, ilageni lekotini namkha ifadugu yetiye) kungikho okufaneleko. Ilineni namkha ihlanganisela yeenkuni ingasebenza

kodwana angeze yasebenza kuhle. Ngokomthetho, itjhila elivumela ilanga lingene kilo lokha nawuliphakamisileko ngokuvamileko lizakuvumela amathosana ambalwa ukobana adlule nalimadaniswa netjhila elivumela ilanga elinengi likghone ukungena.

Ingaphakathi letjhila namkha okusa-onorogo kufanele kuhlale kuhle esikhunjani sakho. Ikotini, ikotini yepholiyesta namkha

ilineni yerayoni kungamanye amatjhila ongakhetha kiwo.

Sebenzisa pheze ubude bamamitha ali-150mm ukuya kwali-180mm beplastiki esipara ehlangana namamilimitha ama-4 ukuya kwasi-6 ububanzi ukubamba imaski endaweni engehla kweendlebe. Amaregere arono namkha amaregere wokubopha iinhluthu asikiweko nawo angasebenza.

IMILAYO YOKUTHUNGA

IGADANGO LOKU-1: SIKA ITJHILA


Phrintha iphetheni bese usika isayizi oyifunako. Yenza isiqiniseko sokobana uyiphrintha ngokwesilinganiso (sebenzisa ubude obuveziweko bengcenywe elingana ngaphasi kwesilevu).

Bhinca itjhila mayelana nengaphandle lemaski libuyelelwe kabili bese unamathisela iphetheni kiyo. Sika itjhila ngokuya kwephepheni, kodwana uvumele isikhala esimamilimitha asi-6 mm

sesikhala sokuthunga ipumulo, isilevu kanye namahlangothi womhlathi, begodu namamilimitha ama-25 angezelelwe emahlangothini aqale ngaphambi kwendlebe. Njenganje sewuneengcenywe ezimbili mayelana nengcenywe yangaphandle yemaski.

Bhinca itjhila kabili bese unamathisela iphetheni kilo. Sika itjhila ulandele iphetheni kodwana uvumele amamilimitha asi-6mm kiwo woke amahlangothi

amane ukobana uwathunge. Njenganje sewunamahlangothi amabili wetjhila afurela namkha angena ngaphasi kwemaski.



IGADANGO LESI-2: THUNGA INGCENYE EHLANGANAKO EPHAKATHI

Beka amatjhila wangaphandle kwetjhila phezu kwelinye bese uthunga ingcenywe ehlanganako ephakathi elingana ipumulo. Yenza okufanako ngetjhila lokufurela elingana ngaphasi.



IGADANGO LESI-3: GANDELELA INGCENYE EHLANGANAKO EPHAKATHI

Gandelela okuvumela ingcenywe ehlanganako esentha yomphetho kuvuleke ukuze ingcenywe ehlangeneko ibe sipara (imisiko emincani embalwa magega nomzombe nakho lokho kuyasiza).

Njengombana umphetho lo ungojikako, angeze walala waba sipara. Ungawu-ayina nge-ayini yakho ngehlathothini elilodwa, bese u-ayina ihafu yesibili ngakwelinye ihlangothi.



IGADANGO LESI-4: THUNGA INGAPHANDLE NENGAPHAKATHI LETJHILA UWHLANGANISE

Bhinca uvule iintokana zetjhila. Beka ingaphandle letjhila ingcenyane yetjhila iqale phezulu. Beka itjhila elifurelako ingaphandle lalo liqale phasi ngaphezu kwangaphandle kwetjhila ukuze imiphetho ephakathi ilingane begodu amajamo wayo akhambisane.

Bhinca ihlangothi eliqaleneko lokufurela libe pheze mamilimitha

ama-4 nawutjingga emphethweni ophakathi bese uwugandelela ube sipara.

Namathisela iingcenyane zemihlathi nesilevu uzihlanganise ngamaphini bese uyazithunga.

Jikisa imaski iqale phezulu ukuze ihlangothi langaphandle libe ngaphandle.

Gandelela namkha u-ayine umphetho ube sipara. Iwugu yemihlathi nesilevu ingastitjiswa ukwenza ngcono ubuhle bayo.



IGADANGO LESI-5: NAMATHISELA IREGERE

Beka imaski ingaphandle layo liqale phasi.

Beka iregere ibe pheze mamilimitha ali-10 ukusukela emphethweni wehlangothini lendlebe ngaphandle kwetjhila ehlangothini linye lemaski.

Bhinca amamilimitha ama-3 mm wehlangothi lendlebe lengaphandle letjhila ngehla bese ngehla kweregere ukuze umphetho wamamilimitha ama-3 uba pheze mamilimitha ama-5 ukusukela emphethweni wehlangothini letjhila lendlebe lokufurela bese uyinamathisela endaweni.

Thunga ihlangothi leli ngeregere ngaphakathi. Thunga iintitjhi ngazimbili

kiyo yomibili imiphetho yalapha kuhlangukhona ukuyisekela bona iregere ikghone ukudoseka. Ibumba isakhiwo esifana nephayiphu lapha iregere ingakghona ukutjhidatjhida.

Qinisekisa bona awuthungi umfurelo nendawo yangaphandle kuhlangukhane, ngombana imbobo le izakusetjenziselwa ukufaka elinye godu ilarha lokuvikela.

Thunga uhlanganise kuhle iindawo zombili lapha kuphelela khona iregere. Tjhidisela indawo ehlangeneko lapha kuhlangukhona nangabe ufuna ukwenza njalo.

Buyelela nangakwelinye ihlangothi.

Nangabe usebenzisa iregere yokubopha iinhluthu, kufanele uthunge iindawo zekugcineni phezu kwendawo ehlanganako ebhinciweko emawugwini amabili, namkha ngaphasi komfurelo emawugwini (isizathu salokhu kukobana amaregere weenhluthu azakuba mafitjhani khulu ukobana angasetjenziswa njengombana anjalo).



IGADANGO LESI-6: SEBENZISA IMASKI YAKHO

Yembatha imaski ingaphandle letjhila libe ngaphakathi bese iregere ibe ngehla kweendlebe zakho.

Imaski kufanele ilingane ngaphasi kwamehlo begodu ibe seduze nobuso nemihlathi ihlale kuhle


ikhavare umuda wesilevu.

Isitokana sephepha lethawula singafakwa hlangana nomfurelo nengaphandle letjhila ukungezelela ivikeleko.

Susa imaski ngokususa iregere magega neendlebe

zakho. Ungathomi uthinte imaski ngaphambili.

Susa iphepha lethawula ulilahle. Hlanza imaski ngesibha namanzi bese uyineka elangeni ukobana yome. Ngemva kwalokho hlanzisa izandla zakho kuhle.



Yenza isiqiniseko sokobana uphrinta iphetheni ngokwesilinganiso sayo. Ubude bomphetho wesilevu wemaski engalingana indoda kufanele kube mamilimitha ali-105.

Sithokoza i-: <http://www.craftpassion.com> ngephetheni begodu ne-
<https://freesewing.org/docs/patterns/fu/instructions/> ngemilayo.